

چند دہائیوں کا علم

شہنشاہ جلیلہ اسلامیہ نکتہ جہدہ رسیہ پیدر

ربیع الآخر ۱۳۳۷

اعداد ۴۲

آئندہ بر نشر اول نور

دربھی سنہ

وظائف انسانیہ

[۴۱ نجی عددہ کی مقالہ دن مابعد]

بالایہ درج ابتدیکمز بیتلر، جناب حق ملائکہی یراندی، کندیلرندہ عقلی ترکیب
ایندی، ہسایمی یراندی، کندیلرندہ شہوتی ترکیب ایندی، بنی آدمی یراندی،
کندیلرندہ عقل و شہوتی ترکیب ایندی، بولرند عقلی شہوتہ، غالب اولانلر ملکدن
اعلیٰ، شہوتی عقلنہ غالب اولانلر ہایمدن ادنادر مآلندہ کی (ان الله تعالى خلق الملائكة
وركب فيها العقل وخلق البهائم وركب فيها الشهوة وخلق بنی آدم وركب فيهم العقل
والشهوة فمن غلب عقله شهوته بهو اعلى من الملائكة ومن غلب شهوته عقله فهو ادنى
من البهائم) حدیث شریفک موسعاً ترجمہ سیدر.

بز کرک شوحدیث شریف وکوہر لطیف پیغمبریدن اکلادیفمز وکرک انک ترجمہ سی
مقامندہ دمساز اولان مولاناک نای بیاندن طوبہ بیلدیکمز حقایقہ اجلہ متکلمین
وصوفیہ طرفدن بویادہ سرد اولنہ کلن مطالعاتی ضم وعلاوہ ایلہ اساس مقصد من اولان
حسن وظیفہ نک بتون کائناتہ سریانہ، تماش ایدن علاوات من بورہنی زائد عد ایتہرک
روحہ آتی مقالاتی پیش انظار قارئینہ عرض ایدیوروز.

*
*

جناب مالک الملک والملکوت، صاحب العز والجبروت حضرتلرینک کارکاہ قدرت
سبحانیہ سندہ ظهورہ کلان بونجہ بدایمک ایچریسندن جہاداتدن ماعداسی اوج قسمہ آیریشدر.

*
*

(برنجی قسم)

اشکال مختلفہ اوزرہ تشککہ مقتدر، اجسام لطیفہ نورانیہ دن عبارت اولان زمرة
ملائکہ درکہ کندیلرینک خمیر فطرلرینہ حرص وھوا قاریشامش، دامن عصمتلرینہ
میل ماسوا ایلشامشدر، انلر عقل مجرد، نور محضدن بشقہ برشی دکلدلر.
فخر رازی (مطالب عالیہ) نام اثرندہ دیورکہ: ملائکہ باشیجہ ایکی صنفہ آیریلر
(برنجی صنف) کروبیون و مقربین نامنی طاشیان ملائکہ درکہ بونلر تسبیح و تقدیسدن ماعدا
اشتغال بیلمزلر، معرفت و محبت الہیہ ایلہ استغراقلرندن، ماسوای اصلادر خاطر ایتمزلر.

(ایکنجی صنف)

فطری اولان عبادتله برابر ، تدبیر امور عباد وتنظیم مصالح مبدأ ومعاد کی خصوصاته موکل ولان ملائکه درکه مدبرات نامی الهرق سماویه و ارضیه صنفلرینه انقسام ایدرلر . اکابر ملائکه تک اک مشهورلری . بونلر اولوب ارزاق ، اعمال و آجال بنی آدمک نظارت و تسویه سنه مأمور اولوق اوزره صنف کثیرینی حاویدرلر .
فخررازی بوقدرله اکتفاییدیورسده (شیخ اکبر) فتوحات مکیه سنده اوچنجی بر صنف ده غلاوه ایله صنف ملائکه کی اوچه چیقارییور ویدیورکه :

* *

بونلردن برنجی صنف .. (مهمون) درکه (کرویون و مقربون) اشبنام مهلبتمونی طاشیان ملائکه کی جناب حق جمیل اسم شریفله تجلی بیوردرق جلال ذاتنده مستغرق وفانی قلمش اولدیفنندن : دکل ماسوایی . کندی ذاتلری بیله خاطرلرینه کتیرمه رک دائما عشق الهی ایله هاشم و حیراندلرلر . بونلر هیاکل انوارده کائن ارواح اولوب آدم و حوادم بی خبر اولملرینه مبنی کندیلرینه نه خلقت آدم تبشیر اولومش نه ده حضرت آدمه سجده امری ویرلمشدر ...

بونلر . (ام کنت من العالین) نظم جلیلنده مذکور اولان (عالین) صنفیدرکه ابلیس شقاوت انیس سجده دن امتناع ایدنجه عتاباً . سن کندیکی آدمدن بیوکمی عد ایدیورسلک . یوخسه سجده ایله مکلف اولمیان (طالین) ملائکه سندنیمسک بیورلمشدر ...

ایکنجی صنف

ملائکه التسخیردرکه بو صنف و حق تعالی ایله بزم آره مزده کیجه ، کوندوز هروج و نزوله مسخر بولان ملائکه ایله بالعموم بر یوزنده بولانلره و بالخاصه مؤمنلره استغفار ، قلوب عباده خیری اخطار ، ارحامه تفخ ارواح و نشر ریاح رحمت ایله ابراث انشراح ایلان ودها بوکا بکزه ر مصالح انسانیه بی تسویه موکل اولان ملائکه درکه بونلر قرآنده صافات ، زاجرات ، تالیات ، مقسمات ، ناشرات و ملقیات کی عنوانات جلیله ایله یاد بیورلمشدر .

(اوچنجی صنف) ملائکه التدبیردرکه بونلر (مدبرات) نامی طاشیلر و اجسام طبعیه و فلیکیه و عنصریه تک هر برنده آیری آیری تدبیر و تصرفه من قبل الرحمن مأموردرلره .

* *

كرك فخر رازی و كرك محی الدین عربی بوصایدیغمز ملائكدن بشقه ، بری مطالب
عالیه نك سگزنجی كسانی تشكیل ایدن ارواح عالیه و سافله بختنده ، دبكری فتوحات
مكیه نك متعدد مواضعده دها درلو درلو وظائفه موظف. لایعدولایحصا ملائك اثبات
ایدیورلر سده صدد اصلیمزدن خارج اولدیغدن اورادن صرف نظرله یالکیز ملائك
كثرتی بین معرضده آئیده کی حدیث شریفی درجله اکتفا ایده جکز .

حدیث

اطت السماء وحق لها ان تظ . ما فيها موضع قدم الا وفيها ملك واضع جبهته ساجداً

مأل جلیلی

سماوات : حیوانك انسانی حرکته : اوزرنده کی آغیر یوك قیجرتی حاصل ایتدیکی
کبی قیجردادی ذاتاً قیجردامه ده حق وار زیرا کندیسنده باشی سجده یه قویمش ملکدن
خالی برایاق باصه حق یرقالمشدر . او قدر ازدحام واردر .

* *

شو حدیث شریف ، ملائكك انحق محاط علم الہی اوله حق درجده كثرتی بیان
صددنده بر تمثیل ظریفی حاوی اوله رق شرفورود ایشدر . یو خسه ملائكك كثرتی
اشیای سائرہ کبی بادی مزاحه اوله بیله جك ماهیته دکلدر . چونکه کندیلری فطره
انوار مجرددن عبارت اولدقلری و بو سایه ده مزاحه دن وارسته بولنه جقلری جهته ،
اصلک بر الکتریک و یاغاز لامبه سنك درجه ، درجه ضیاسنك اتریلرلسی ، لامبه نك و یا
ضیادار ایتدیکی محیطك پاتلامسنی ایجاب ایده جك درجده باعث مزاحه اولمیورسه
عینله ملائكك ده كثرت نوردن ایلری وارمیان ازدحاملری هیچ بر وقت باعث
مناقشه اوله مز .

فخر رازی بر معتاد برخیلی اطناب مقالدن صوکره دییورکه شمسك ضیاده ، آتشك
احراقده ، طعامك طویورمه ده ، صویك دفع عطشده تأثیرنی کوروب انکار ایتیانلر
ملائك نكده انفس و آفاقده جلوه کرشود اولان تدبیرات الیه ده و ساطتلری خصوصنده کی
تأثیرات بارزه لرینی ده انکار ایده منزلر . اصل مؤثر حقیقی حناب حق ، ملائك ینه حقك
توظیفله موظف و سائط تأثیره در . موجوداتك ایکنجی قسمی ، عقل و ادعان دن فکر
و یقاندن محروم ، شقاوت و سعادت ، شرف و مزیتدن غفلته محکوم ، اسیر شهوت اولان
زمره بهایمدرکه بونلر اکل و شرب و قضای و طردن بشقه برشی تعقیب ایتزلر .

(اوچنجی قسم)

انساندرکه بونک یاریسی ملک ، یاریسی حیواندر . یعنی خیر فطرتی عقل وشهوتدن مرکب اولدینی جهتله عقله نظراً ملک کبی تورانی ، شهوته نظراً حیوان کبی ظلمانیدر . ملک . دوچار شهوت اولمادیغدن فضای نورانور اطلاقده سر آزاد ومسبح رب العباد اوله رق یاشار . باشک دردی ، کوکلنک قیغوسی یوقدر . حیوان ایسه صرف شهوتدن مرکب بولوندینی وجانب عقلدن دوچار کشاکش اولدینی جهتله اوده اسیر شهوات اولمسنه رغماً مرعای علمده بردرجه یه قدر سر آزاد دیمکدر .

کله لم انسانه . بونک کالای وجودینک نارو بودی عقل وشهوتدن مرکب وبوایی قوتک کشاکشی آره سنده معذب اولدینی جهتله زواللی انسانک درد ی بک بیو کدر ، وظیفه سی بک آغیردر ، آغیرلینی نسیبندده اهمیتلیدر .

بیچاره انسان هرایکی خصم قوتینک ، هرایکی داعی مقتضینک آره سنده بر میزان العدالة بوله رق کندینی محافظه اتمک قیدندن قورنیه من چونکه میزانک شهوت طرفه آغمه سی حائنده بروجه منطوق حدیث شریف . در حال درکه بهایمه دوشمک مقرردر .

*
* *

اوت روح . همت قنادرینی آچهرق ایسترکه عالم بالاده پرواز ، ملأ اعلا یه اتصال شرفی احراز ایتسونده بوسایه ده داخل حریم بزم وصال اولسون ، نه مقدس آرزو . بدن ایسه جنسکال شهوتی مزعج بو طراقلیله برابر انسانک شهبال همنه طاقارق آشاغی یه طوغری آصیلدجه آصیلیر . عالم بالادن غیای خذلانه یو وارلامق ایستر . نه مدهش اوچورم ، نه مشکل وضیعت .

منوی

جان کشاید سوی بالا بالها
درزده تن در زمین چنگالها

انسامل کامل اودرکه مثبت ، منفی ایکی قوتک تصادمندن ضیای الکتریتی حاصل اولدینی کبی . آره سته دوشدییکی عقل وشهوت قوتلرینک مصادمه سندن بالاستفاده شهوتی تپه لیوب عقل جانبیه بالتمایل غلبه یی عقل حسابنه قزانهرق سعادت دارینی احراز ایتدی . بدبخت اودرکه عقلک او کوزه لم ارشادات هدایت آیانه حواله کوش قبول ایتدی ،

شهوت طرفه طوغری صارقه رق کنه دینی نورن ظلمته ، سعادتنن شقاوته ، عزتدن
ذله دوشوردی .

نون الهوان من الهوی مسروقه
فصریع کل هوی صریع هوان

★
★ ★

انسانک عقل وشهوت آرمهنده کی شو حال تذبذب — امویلرک صوک دملرنده بادیده
یا شامش ، داستان عشق وغرامی هراسانده نظماً ونثرأ پک زیاده شهرت آلمش اولان
[مجنون] عامرینک بروجه آتی ماجرای عشقنده کی حال تذبذب بکترتمشردر ..
مجنون . برکون دوه سنک طورومنی خیمه کاهنده براقه رق دوهیه راکبأ کوی لیلایه
طوغری کیمک ایستر . یوله روان اولور . فقط کنه دینی فصل خیمه کاه لیلایه کیمک
ایچون بر جاذبه نک ، جاذبه عشقک مجذوبی ایسه ، دوه نکهده یاوروسنه عین انجذاب ایله
منجذب اولسی طبیعی بولوندیغنی حساب قاتمز . مجنون کنه دینی اراده سی کی ناهه نک
یولارینی ده صالیوریر ، فکری دائماً لیلانک طاتلی خیلایله فصل مشغول ایسه دوه سیده
کیرسی کیری به دونوب طوروم جانبیه کیمک مشغول اولور . بر خیلی زمان کچکدن
صکره کنه دینی دوه نک یاوروسی یانسنده بولور ، تکرار دوهی کوی لیلایه طوغری
سوق ایدرسه ده بوکره یه عین حالک تکرارینه چارپیلیر . بو حال برقاق دفعه ده دوام
ایدنجه تا اعماق دروندن قویان برآه آتشبار چکوب دوهیه شویله برخطابده بولور .
سنی براقه نیجه اولمایه حق ، سننی جانامدن مهجور اییدیورسن قهر اولسون سنک کی
واسطه وصال ، مجنون دوهیه شو عتابدن صکره — دیواننده مذکور شو بیتلریده
اوقویه رف .. خیمه کاه لیلایه طوغری طوبالایله ، طوبالایله قوشار . چونکه زوالی مجنون
کال حدتدن دوه دن کنه دینی آنجه ایاغی قیرلمشدی .

بیت

هوی ناقتی خلقی وقدامی الهوی
فانی وایام مختلفان

حکایه ده کی دوه .. بدن انسان .. یاوروسی . نفس وآنک میولات شهوانیسی . مجنون
روح انسانی : لایلا : رضای ربانی : ایله تمثیل اولونجه ونصلکه مجنونک .. دوهی ترک

ایتمدیکجه خیمه‌گاه ایلایه واصل اوله مدینه دوشونولنجه انسانکده . بدنک میولات
 شهوانیسی ترک ایتمدیکجه نائل رضای سبحانی اوله میه جنی پک ظریف بر صورتده دماغده
 ارتسام ایلم . حاصل کلام . جناب حق انسانی هجیب راستمداد اوزره یار آتمشدر .
 انسان واردرکه شهوتی ترک . روحک تصفیسه همت سایه سنده عالم ملائکه اتصال ایتمش
 ناچرخ چارمه قدر یوکسلمشدر . مثلاً عیسی کی . تحسین اواستمداده . شاپاش اوهمت
 مردانه : انسان واردرکه روحک دعوتنه اجابت ایتمدیکجه جهته بهایمدن دهانشاغی
 بردرکجه انمشدر مثلاً قارون کی که لعین مسفور . حرص جاه وجلال و جمع اموال سوداسیله
 کندینه بخش اولان استمدادی معکوساً استعمال ایتمش انجامنده دوچار خسف و گرفتار
 پنجه ضلال و بوار اولمشدر . . .

نفرین اواستمداده ، لغت اوجاه و جلاله

ای انسان . زینهار . برکندی حالکه برده ملائکک مقام عال العاله نظر دورا دور فیرلا تهرق
 رینمه وشویله بر حسب حالده بولونمه . .

یا هو . باق شو عالم ملکوت اوزرنده هیاکل انواره بورونوب نازان ، نازان کزن ،
 دریای جبروت ایچنده کمال مهارتله یوزن دولتلیله .

بلارنده علایق جنه‌نایه کی چنک ، ایاقلرنده هوسات نفسانیه کی انکل یوق ،
 نور یه یوب نور ایچیورلر ، نور یوسکور ییورلر نه عالی مظهریت ، نه قدسی
 استعداد . .

آه نه اولوردی کاشکی جام مصفای وجود ایچنده نسیم رحمة الهیه ایله کاه کاه اهتزاز
 کلن رحیق مختوم عقله زهراب شهوت قاتلمه ایدی .

ماهی ، مرکزی هنوزیقیناً محبط اداریک بشره رام اولیان وصفیه بدنک سایه طوغری
 یوکسلمش . بر فانوس نواری مثابه سنده اولان عقل . صرصر شهوات ایله سونمک
 تهاککسه معروض قالمسه ایدی . .

ازل ایله ابد آره سنده بربرخ موهوم اولان وجودم . برد . عقل و شهوت کی مایه سی ،
 شنشه سی ، غایه سی ، دیدنه سی ، یکدیگرینه ضدایکی قوه قاهره آره سنده صیقیدشدی قالدی .
 حاصلی برزخ اندر برزخ بروصعیده . .

گاه فضای قدس ایچنده پروازه کلن دولتلیله باقار . انلری تقلیداً بنده اوچق
ایسترم درعقب شهوت یاقلار ، خاك یستییه طوغری یوارلامق ایستر .

کرانجانان زهد اعمال ایله اوچق امید اینر
اولوری ماکیانه لطف پروازی پروبالک

گاه پیشگاه املمه شهوتک ترین ابتدکی هوسات ناهمواره اتباعاً هروسی هزاران
آشای دنیادن کام آلق ایسترم . درحال عقل طرفندن کوش جامیده (فخلف من بعدهم
خلف اضاعوا الصلوة واتبعوا الشهوات فسوف یلقون عیاً) تمید جبروتیسی طنین
انداز دهشت اولور ...

مابصد خرمن یندار زده چون ترویم
چون ره آدم فرزانه بیک دانه زدند

۱۹ کانون اول ۳۳۴

مابعدی وار
دارالحکمة الاسلامیه اعضاسندن
جودت

